

Imperium majo-
rum.

Urbes.

qui non vento vescuntur, ut multi prodiderunt, quamvis ii integro anno sine esca perdurare possint. Per universam vero Ægyptum, Pulli gallinacei a Matre excludi non solent: sed Fornaces artificiosè exstructas habent, in quibus tria aut quatuor Ovorum millia reponunt: quorum calorem ita temperare norunt, ut omnia Ova simul excludantur. Quod & Antigonus, Aristoteles & Plinius de Ægyptiis prodiderunt. Metallis insuper Regio hæc perpetuo abundavit. Ceterum universa olim Ægyptus floruit sub variis Regibus diversorum nominū usq; ad *Ptolemaeos*: nam *Pharaones* admodū pauci fuere. *Ptolemai* longo tempore regnarunt, usq; ad Romanorum Imperium, quo præfracta res Ægyptia pervenit ad *Agarenos* Arabiæ Felicis, quorum Princeps *Sultanus* fuit dictus, & alii sequentes quoque vocati sunt, *Sultani*, Mahumetani omnes, regnarunt multis annis donec a Turcis expugnati fuerunt. Possidet jam totam Ægyptum *Solymanus* Turca, relicto ibi Præfecto, qui *Baxa* Ægypti dicitur. Divisa fuit ab Alexandro Macedone in Nomos sive Opidorum Præfecturas, quales Herodotus ponit xvi. Strabo unum amplius. *Ptolemæus* xlv. *Plinius* l. qui & addit quosdam nomina permutasse, ut proinde non sit putandum tot Ægypti olim Præfecturas fuisse, quot apud Historicos nomina possunt colligi, quum ejusdem Præfecturæ plura nomina esse potuerint. Leo Africanus auctor est a Mahumetanis in tres Provincias divisam esse. *Sabid* quæ est superior sive *Thebais*, a finibus Bugiæ ad Cairum usque. *Errissam*, quæ est pars Occidentalis a Cairo ad Rosettum: & *Maremmam* quæ est pars Orientalis. Urbes Ægypti sub Amaside creduntur fuisse xx mille. Diodorus tria millia suo ævo superfuisse testis est. Celeberrimæ fuerunt *Syene*, *Thebe*, quæ & *Diospolis*, *Tentyra*, *Heliopolis*, *Memphis*, *Babylon*, *Alexandria*, *Pelusium*. *Syene* nunc *Asina* dicitur: Sita sub Tropico Cancrī: Hic, teste Plinio, Puteum habuerunt Mathematici profundissimum, quem rectis lineis sol totum illustrabat, quum esset in principio Cancrī. Quo respexit Lucanus lib. ii. *Umbras nusquam Hæstente Syene*. *Thebe* condita a Busiride Rege ambitu cxi. stadiorum, ut refert Herodotus, centum portis, alijsque ædificiis publicis privatisque insignis, quæ jam olim esse desiit: adeo ut recte Juvenalis scripserit satyra xv his versibus:

Atque vetus Thebe centum jacet obruta portis.

Et Propertius lib. ii.

*Magni sæpe Duces, magni cecidere Tyranni,
Et Thebæ steterant altaque Troia fuit.*

Tentyra ab Insula Nili nomen habet: Incolæ *Tentyritæ*, qui naturæ genio Crocodilis adversi sunt: qua de re apud Strabonem & Plinium videre est. *Heliopolis*, olim Sacerdotum habitatio, Straboni Hominum Astronomiæ & Philosophiæ deditorum mansio. *Memphis* olim *Arsinoe*, regia urbs, ubi Nilus primam accipit divisionem & Δ formā facit. Hanc hodie vocant *Cairum* vel *Alcair*. Urbs est triangulari forma exstructa, ambitu, secundum nonnullos xiv seu xv Milliarium. Templorum continet viginti duo millia, quinquies major Lutetia, ut refertur Tomo ii Urbium Orbis Terræ illustrium, in aliquot quasi partes, Urbes & Regionēs divisa, ita tamen ut cunctæ contextæ cohæreant, Arce instructa tam spaciola, ut par magnitudine Lipsiæ esse existetur. Incolunt eam Turcæ,